

Envoi de M. l'abbé Le Bras
à son ami M. l'abbé F. Le Goff

trouvés dans les archives
d'une famille qui habitait
les actes de l'église au commencement
du XIX^e siècle - Les Tréver
je crois.

Testament ar Vam goz

slnd 16 pp

envoi de Mr l'abbé Le Bras à son ami
Mr l'abbé F Le Goff
trouvé dans les archives d'une famille
qui habitait (?)
les actes de (?)
au commencement du XIX^e siècle les Tréve
je crois

Handwritten text, likely bleed-through from the reverse side of the page. The text is illegible due to fading and blurring.

Handwritten text, likely bleed-through from the reverse side of the page. The text is illegible due to fading and blurring.



TESTAMANT AR VAM GOZ,
DAVISET E' PEDER G'ENTEL.

QENTA QENTEL.

DEIZ mat deoc'h oll, compagnunez,
Pa zoc'h en em gavet assambles;
Pévar bloas antier a so breman,
Aboe m'o quelis divezan.

Pell so oc'h eus clêvet lavaret
N'en deo netra map en oalet;
O vale hac o poumen dre ar vro,
E tisquer cals a secrejo.

Guechal pa oan bianic var brec'h va mag'eres,
Mar emeus sonch em boa peder Vestres:
Unan em boa e Guengamp, un all e Landreg'er,
Un all e Brosaos, merc'h ua tabier mezer.

Un all am boa e Gouelou, ur plac'h a gondition;
Hé zad a voa aotrou, he mam a voa itron,
Hac hi a voa demezel, eac ouspen penneres,
Mes qent ma is d'he gu let, e voan pedet alies.

An hini a Voengamp am boursuive cruel
Da ober outi pe otramant d'e lezel;
Qercouls e voan poursuiwet gant hini Landreg'er,
Bemde e receven a Vrosaos liseriou,
Ha bemde messajer a escopti Gouelou.

Erfin, pa voan en oad demeus a bemzec mis,
E voan importunet ha rentet qer scuis,
Ha me recommand deze donet dar foar da Runan;
Pa o guelzen ho feder ma qemerzen unan.

An hini a Voengamp am abrasse,
An hini a Landreg'er am cherisse,
An hini a Vrosaos a zigasse ganti
A bep sort coanteri eyit ma decev.

An hini dious Gouelou a ouele, a zeplore,
 Pa na garen trei outi, lezel ar re all a goste,
 Neuse e voan rentet qer scuis o vale dre ar foar,
 Gant ar merc'het ous ma heul eg'is peder anoar.

Ha me sonjal caerec'h abars qemer unan,
 Ober un invantion o laqat o feder en unan;
 Neuze e voan bianic e qichen va mestres,
 Mont a ren ganti en he godel bemdez da blaç al lêz.

Un devez dreist ar re all o vonet da Voengamp,
 Aruout ur c'houpl lapoucét e qichen va mestres coant,
 Ur fiouter fin demeus a Gerabes,
 A droc'has e godel dious bros va mestres.

Me voà panneric evidon da veza bian,
 Mes al laet a voa dierc'hen hac a redas buan
 En tu all d'ar vallis gent ma sellas,
 Pa zigoras ar godel, tromplet en em gavas.

Hac én qer buan ha va teulel eno,
 Biscoas qement ail a vez n'en devoa var un dro;
 M'em boa qeus em c'halon dar marc'hat am boa grêt,
 O velet ar peder se en ur pez laqêt,
 Ha me da foeta bro treze douar Guenet.

Ma voan pêvar blas just ep dont mui d'am bro,
 Ha me laqet forestour var forest Coat-Zalmo.
 Un nosves dreist at re all en em gavis divezat,
 Aruout Guillou ar Bleiz ha va lonça pen ha troat.

Ma voan en e gof diou nos ha daou ze,
 Epad an amzer ze ec'h aruis em c'hontre;
 Gant ur c'hos contel a voa g'enéu e troc'hen peziou
 A zoul e ziadren evit ma veljen goulou.

Neuze e voan laqêt er g'er da zioual ar zaout,
 Em boa peder danvat, ur vioc'h hac ur maout,
 Em boa peder bioc'h lêz hac ul loëic bian,
 E vizen casset d'o dioual en hent-bras va-unan.

Ar vugale vunut, eve ma ouzoc'h erfat;
 Pa ve yen an amzer en em laqa da eoliat;
 Me voa var an hent bras etreze a Voengamp;
 Hac aruout g'enen ur certen plac'h yaouanq,
 Hac hi gonien diouzin da biou e voan tad,
 E voan ur bug'el yaouanq en devoa fêçon vad.

Mes n'oan qet den adret, den habil ha den fin;
 Pa e c'hêvis o parlant e comancis c'hoarsin;
 Ha me lavaret dezi un dra ne vouien qet,
 Da g'enta merc'h pe vap o po mar qeret depordet.

Me voa pemp blas-anter, prest da vont em c'hoec'hvet,
 O sellet ous e bisach ha sellet ous e g'enet,
 Ha me lavaret dezi dre gomzou admirabl,
 Ma vizen daouzec vlas, evel nen don qet anter,
 Me reqeise an enor da veza ho servicher.

Hac hi pa glêvas se, azea em c'hichen,
 Dre ur guir curiosite da diada va fenn;
 Hac hi lavaret din ebars e ber gomzou,
 E renqen quitat va zaout ha mont ganti d'e bro.

Em c'haseze da ur plaç da veza disqet mat,
 Guell cals evit na vizen gant va mam ha va zad;
 Ha me mont ganti neuze etreze Poullaouen
 Elêc'h n'em boa conessanç nac anaoudeg ous den.

Mes eno e voan conduet ha mag'et difripon,
 Gant bara brên, souben dour, coc'h qi, qignen, ognon;
 Pa voen ta mag'et seis blas qer coantic en he zi.
 Neuze e voan daouzec vlas, poent bras da zemezi,
 Hac hi da glasq ar person evit dont d'en ober,
 Me respontas ractal e latin caer ha scler,
 An eil g'er eus va *Fater* a so hanvet *noster*;
 Evit oc'h ini, person, biscoas na exercis
 Evel ne doum qet bet biscoas en ho catheqis.

Hac én goulen ouzin ha me vise contant

Donet da zemesi brema souden vatant ;
 Hac e rose din ur plac'h coant da gousquet gane
 Pa vise yen ar gôan da doma va goele.

C'houi so ur goël bipi, a gont din cals a dreo,
 Demisi un den yaouanq n'ousoc'h a belec'h eo ;
 Me lar dêc'h franchamant na zemezin qet c'hoas,
 Qen na vezo va mam pe va zat var ar plaç.

Ar person pa glêvas da scrifa ul liser,
 Ha me qemer pen an hent da vont tresp ar g'er,
 Ma teuas ar vrac'h var va lerc'h,
 Da goms din evit he merc'h.

Clêvit, emezi, den yaouanq,
 Retournit, ha ne vezit qet fencant ;
 Mar qerit retorn c'hoas d'am zi,
 Me reiï moyen d'oc'h acordi.

Ma carac'h retorn c'hoas ur vech,
 Me reiïo dêc'h souben al lês,
 Ur beren brein, un aval fall,
 Na rofen da hini eus va bugale all.

Penos, emoun-me, ha c'houi so dall ;
 Gant ho souben, per, aval fall,
 Gant ho yot qerc'h grêt gant qig sall ;
 It, it d'ar gær, mam ar burzudou,
 Grac'h cos, eru ho fri en ho qinou ;
 Lavarit d'o merc'h en em gonsoli,
 Me ne ran qet a gas anesi.

Ma teuas un ozac'h a fêçon
 Da c'houout petra voa ar rêson
 Penos, emezàn, mic'hiac,
 Difêçon bras e parlantet
 Ous an hini en deus o mag'et
 Seis blas antier bars en e zi,
 Ha c'hoas contant da zemezi.

It d'ar gær, c'houi, va mignon,
 Da spaza ho caz dindan daston,
 Na gretac'h qet din lavaret
 Dirac den honest ebet,
 Sec'ha ma fri, en ven mic'hiec.

Mes eus ho fri e man pateren ho mam-gos,
 Hac hi o vrania gant an avel evel ur c'hloc'h,
 Hac én dar gær pa glêvas va c'homsou,
 Ha me qemer pen an hent da vont treze va bro;
 An nos a aruas ha me da c'houlenn lojan
 En ti un otrou bras eus e vreg e-unan.

Pa antreis er pors e voa'n itron var an treuzion,
 Ha me d'e saludi ebars e ber gomzou,
 Ha me goulenn diouti ha me vise lojet,
 E voan un den yaouanq ne vouion pelec'h monet.

Hac hi goulenn diouzin piou a rêl ac'hanon,
 A bez qartier e voan ha demeus a be bro;
 C'houi zo un den adret, ho sêçon a blij din,
 Qet m'o po bolonte ec'h allit chom em zi.

Me so mab da ur Baron demeus a Vreiz-Izel,
 Aroc ur Braces vras emeus renqet tec'hel,
 P'ini a falle dezi va c'haout evit pried,
 Mes n'oa qet d'am grêt hac e meus-i refuset.

An aotrou voa deus crec'h a deuas d'am saludi
 Gant ur galon joais hac en ur vousec'hoarsin:
 Antreit, den yaouanq, ha deut da dal an tan,
 Me a meus teir verc'h coant, hac o pezo unan.

Ha me en em gaout neuse terrupl bras morc'redus,
 O velet voan en em gavet en ur plaç qen danjeus;
 Rac an nep o deus c'hoant da viret ho goerc'hdet,
 Arabat ê dezo chom etouez ar merc'ket.

Qent monet da gousqet e c'houlennis conje
 Da vont ermês ar pors da ober eur bale;

Pa gavis pen an hent ha me comanç da redec,
Ha caout eur marc'h mat pehini a voa dibret.

Pigna' ris (var e g'ein ha d'ar galoup d'am bro,
Marc'h Hamon foul-t-biscoas na c'has qer brao en dro
P'am boa tremenet Goengamp, aru tal Kærahes,
E rancontris ur vrac'h gos o vont e qer gant lêz.

Hac hi goulen diouzin ha me am boa guelet
Yan Gornec, he goas, o vont aroc gant ur sac'hat ed;
Ha me o respont dezi, em boa guelet ur goas
Gant ur zæ lien melên basou zeï, bragou bras,
Ha gantan ur plac'hic coant, na cesse da boqat.

Ar vrac'h pa glêvas se foeltra he fodat læs,
Tronça he bros, he invis var pennou he diou les,
Hac hi comanç da redec etreze Montroulez,
Va marc'h a yas ganti, me dar gær var droat compes.

E I L Q E N T E L.

ME a so un dijentil eus a galite vras,
Va oll ditrou so scrifet na gant avalou poas;
Va zat oa ur prinç puissant a enezen Callot,
Hac a fraillas e oll zent gant patates ha yot.

Va zat ous ma c'haret un deiz a laras din
Qemeret e vates p'am bise c'hoant dimezi;
Hannes a voa unan demeus ar barfeta
▲ oufac'h da gompren birviqen er bed-mâ.

Ha m'o pe paourente, emezàn, gant ho pried,
Deus cals a druachou e viot divorc'het;
Nep en deus comanant, douar, feurm ha leve,
A bæ contribution da berceptour e gontre.

Nep a sent ous e dat o deus bonheur peurvuia,
Me eure ar c'hontrel, ma ranqis sortia;
Layaret a rin crenn en ur g'ir franchamant,

Biqen ne razen ze gant va c'honsantamant.

Guell e vise g'enén en ur g'ir quicat ar vro,
Qent ma rasen ar rol pa ne devoa madou,
Ha me neuse souden qemer hent bras Paris,
Biscoas en nep tachen assur ne arrétis;
Guell e voa stoqet va sên ebars er vezen bellàn,
Ha me chom eno neuse souden da denna va halan.

Pa voan eno eta ur poulsat reposit,
Ec'h aruas ganén eun ozac'h dilavrec,
Hac én goulen diouzin a belêc'h e tenen,
E ranqe caout va bragou, pe e foeltrje va sên.

Setu me ta contraignet ac'hano da dec'hel,
Ha me mont da ur baros hanvet Cuvelpenportel;
Ma chomis eno neuse vardro daou pe dri mis,
Da zisqi secrejou, micherou e peb g'is.

Me zo eur mestr micherour, mar deus en escopti,
Evit ober rochedou, boutou coat peseliou, podou pri,
Ha menuser e mein, ha maçoner e coat.
Gout prena ha guersa a rân e pep marc'hat.

Afronti ar grag'es, trompla ar varc'hadoures,
Biscoas diner custom na baeis e nep lec'h,
Davantech a oun c'hoas, pa ve un amitie
Amàn etre daou zen e form a garante.

Hennes a so eur secret hac a so difil,
Hac evit er gousout e ret beza habil;
Rac cals a dut a so, pere na ouzont qet
Fin na commañamant demeus an amouroustet.

Yaouanqis so friant, cosni a so noasus,
Ma vent daou demeset e vent bepret marc'hedus;
Va amitie so bras en andret ar merc'het,
Mes ive an nep a gar a verit beza caret.

Rac-se eta e pedan gant guir humilite
An ancou d'o lipat ma nam c'heret ive,

Ar finna pobl a voe biscoas er c'hartier,
 Setu ama Yannic ar vil vicher
 Zo deut evit o que'et gant guir humilite,
 Hac er memes amser ar vro hac ar c'hontre.

Me'meus disqet evit va boüet
 Ar pe biscoas na voa sonjet,
 Da gienta ezoun qemener,
 Mestr a lestr, ramouer, qere ha qivijer,
 Calvez oun hac ive maçon,
 Rincer ar privezou hac ouspen-ze, mitron.

Gant art aritmetiq hac an negromanci,
 E ran en un istant eus a zaou ober tri;
 Disqi a ran ive secrejou d'ar grag'e
 Da laza laou ha c'hoën ebars en ho guele.

Selaouit, merc'het ha grag'e,
 Ar reb o deveus laou ha c'hoën en o guele
 Me zisqo deoc'h eur secret
 D'o laza oll, mar qeret.

Ret e d'ec'h d'erc'hel ur c'hoanen du,
 Laqat en he diouscouarn eur palevars ludu,
 Hac he foueta dre ar pel,
 Qen na saillo en he rastel.

Neuse e commanço da yudal,
 Hac e teuyo ar re al da fringal;
 Ha dre ma teuint var an dro,
 Gant al ludu-se en o dallo.

Neuse ec'h aller o lasa a doillou pistolennou,
 Hac ober eus ho bouzellou silzic, goadeg'ennou;
 Me voar ober crampoes ha yot gant patatez,
 Ha laqat ar merc'het da stotat ep paoues.

Labourat a ran er jardinou,
 Ha falc'hat ive dre ar prajou,
 Ober un arat gant ar grac'het,

Hac ur c'har a la malbroug gant lostou c'huilet.

Gant treid siliou sorseresou a raon,
Laqat an dour da redec ouc'h an traon;
Davantach ez on diviner,
Bepret e venn caet var ar mæs pe en kær.

Goud a ràn ive ober croeyou,
Ober guersidi gant treid saout pe loeyou,
Butun scaferlati, jigoden gant lilin.
Ha laqat ar merc'het bepret da stotat guñ.

Gori a ràn ar forn gant erc'h,
Ha forci ar merc'het da redec var va lerc'h;
Stoufa ar forn gant aman fresq.
Disqi ar grag'ez da vrasesi an esec'h.

Redet emeus tout an departamanchou,
Da zisqi rismadellou ha cals a dalanchou,
Pere so profitapl d'ar grag'ez peurvuia,
Ma qerout o disqi ha laqat o fublia.

Da g'enta ribota ha cresqi gant dour al læs,
Hema so ur secret ha n'en deo qet dies,
Nea va c'huden hac ober va deves,
Dansal hac ebata ha cousqet alies.

Ispicial ar grag'e hac a fum un nebeut,
Ur secret da viret ober tan hep qeuneud:
Capabl ouñ da ober tout ar pezh a garàn,
Ha gouzout cals a secrejou da espern ar bara.

Pa ven biqen e contàn
Gousout a ouñ mui evit na lavaràn;
Qement tra a so tout a ran nemet brag'eyer pri,
Mar qerit va c'hredi ha va c'honsideri.

Un aval pa ve meür a ve poent e debri,
Pa ouñ deut en oat poent e din dimezi:
Rac-se noblanç ha paysantet, goaset ha merc'het,
Ebars em brassa anqen m'o ped va sicouret.

Ur vestres coant ameus en he zi o cluchan,
 Zo hir ha ber, ha teo ha moan,
 Hac a fel dei dre fors ma c'havet da briet,
 Nemedi qet d'am grat, na ne gouennàn qet.

Gouscoude e deveus fêçon vad,
 En he fri so tri droatad
 En he daoulagat tri raouen,
 Ha peder just en he dent.

Evit he g'enou charmant so terrupl dereat,
 Nemet betec he diouscouarn ne bad,
 He sellou a so attirant
 Evel ur beru coc'h en ur pô-tcam.

Elec'h na ve hini nemerti
 Ar goanta ê, mar credit din;
 Pa na gomsàn outi avichou,
 E ve qeit he musellou
 Evel lost ar c'has var an treujou.

Ar plac'hic-mâ pa ya d'an danç
 A so leun a gouseganç;
 Qer qare eo hac ur variqen.
 Croug'et e ven qent ma e c'haren.

Compagnunes, mar em c'hredet,
 Me a so bet teir guech demeset:
 Da g'enta em boa ur plac'h yaouanç,
 Hounes na voa na vil na coant.

An eil a voa un intanves,
 Ha na voa nag ês na dies,
 An drede a voa ur gos grac'h,
 Na ne voa na clàn na yac'h.

Er bla qenta ma temesis,
 E voa meularjes er c'horais;
 An eil bla ma voan demeset,
 E voa ar Pasq bras da Nedelec.

D'ar Rouane e creis an ân,
 E temesis ar vech divesàn
 Da ounes còs ur bla ha cant,
 Ne vea en he fên nemet un dant,
 Hac e sonjen e voa yaouanq,
 Tromplet voa va speret gant he g'enet,
 Monet a ràn d'ar gær d'e guelet.

TREDE QENTEL.

SELAOUIT oll, tud yaouanq,
 Comsou meurbet divertissant
 Evit recrei ho speret,
 Mar bec'h gant nec'h tourmantet.

Un den yaouanq eus a Dreg'er
 En deus laqet an dra-màn var baper,
 An tenor demeus e vue:
 Darn anezo a so g'eyer ive,
 Ha darn all a so guirione.

Bonjour ha joa, va mignonet,
 Pell bras so nemeus o quelet,
 P'o quelis a boa na voa de all,
 Me so ive eur senechal.

Ne greten qet em anavesac'h,
 Gouscoude ezoun map dar vrac'h,
 Me so mestr Pieres an Dourdu,
 A ra brignen gant guinis du.

Va zad so Charles ar C'hornandon,
 A spaz ar c'has dindan daston,
 Va breur a so an otrou Cont,
 C'hoar va mam so va moereb, breur va zad so va yont.

Giles Parafaragaramus ê va hano mat
 Va leshano ê Cocoricocat;

G'inidic a escopti Treg'er ha Leon,
Credi a ràn oun natif eus a baros Croson.

Me so un den a gondition,
Evel pa ven mab da eur baron,
Qender-gompes da Bipi Lichibonic,
Breur-caër da Lustucru ar Pinvidic.

Credit mat ezoun-me un excelant barbier,
Rac breur-caër oun ive da Yan ar Rasouer,
Hac en deus qerent a gondition,
Etoues ar saout, an devet, al loeou, ar c'hochon.

Lusureg'es ha pep sort dieg'i
A scuis ganti guell e pep ti,
Jujumel daenbris côtes môtes fariôtes
Rusmali gouloudren farionibinetes,
Nep a so diarc'hen ne gollint qet o botes.

Tud jentil, noblanç ha paysantet,
Eus a greis va c'halon me ho ped,
Na vanqit qet, va mignonet, brema,
Da zont ganeme ha re-all da goania,
Evit gant plijadur recrei ho speret,
Pep tra vad ameus a bell so preparet.

Grêt emeus rost gant diou guespeden,
Pêvar gartier azen hag ug'ent qellienen,
Ne dorot qet ho tent e crignat an esqern;
Traou delicat ameus gant hast bras clasqet,
Ha traou lipous estlam, d'ficil da gavet,
Treit siliou, discouarn huilet ha coc'h qesec.

Ouspén evit an dessert emeus cavet,
Qerniel c'hoen, ul louarn besq, ur c'hat lostec;
Ne gafet qet cals a dut fur
A gafe ar remàn dre natur.

Ur saladen ameus ive clasqet,
Déliou linat ha re alec;

Nen deus qet a guinegr nag heol gante,
Mes dour beol a so larg'ente.

Compagnunes, va excusit, me ho ped,
Rac evit servicha certen na ozson qet;
Qenta gentel am boe biscoas
A voe scrifet gant avalou poas.

Ha na zesqis nemet diou liseren
Adalec va lein bete va meren;
Hac e larent oll din ar scolaerien.
Birviquen ne rajen nemet ur vouriquen.

Ar vagabonet-se a voa inoçantét,
E laret un dra na ouient qet;
Gouscoude e voan seis sisun pe eur mis
Abars biscoas netra ma ouis,
Pini a voa anaout pen an asen,
Qender-gompes d'an oll dut scolaerien.

Racse na vesit qet den soueset,
Cals a dut a vez alies tromplet,
Gant eur c'hravast hep monet pelloc'h.
Nen deus netra tout er bed-màn dificiloc'h.

Mar gousoc'h ar fêçon, respontit propr,
Ha lavarit pe ben d'ar c'hravast a ya aroc;
Serrit ho qinou, pa ho pedân,
Brâmàn ar guel studia a ràn.

PEDERVET QENTEL

Ouc'h oac'h dibales dious Paris,
Lantiguen eol decot ilis diflo
Evit al latin-mâ ne ententet qet,
Selaonit oll e bresonnec,
Hac e clefot e ber gomzou
Publia an ordrenançou.

Un ozac'h còs a Boullaouen,
 O vont d'ar foar da Rostrenen,
 Da anter Ebrel e mis Even,
 Etre unec heur ha creisde,
 E c'hanas daou a vugale.

Qenta mab en devoe voa Yan Farioqin,
 Ur gourmand infam stoter er vassin,
 Zo bet e Paris o tesqi an nigromanç,
 A eston an dut sot gant cals a eloqanç.

An eil qent ma voa deut er bet
 Ne voa qet c'hoas ganet;
 Hanvet voe Yan al Lorennec ar pot fin,
 A voe grêt Sacrist e bourg Plestin,
 Ha barner en departamanchou,
 Pehini en deus grêt ordrenançou.
 Ma renco an oll merc'het yaouanq,
 Da lavaret eo, neb a zo friant ha coant,
 Mont gant ho mignonet d'an arme,
 Ha da gousqet bemnos gante.

Rac-se, merc'het va bro. enem depechit pront
 Ha deut da boqat din pa vezoc'h prest da vont
 Evel amazonet da gaout ho rejimant,
 Da lipat ho routiç a zo potret vaillant.

Peder pe bemp plac'h a Baris
 A deuas d'en em glêm dre valiç,
 N'oa qet avoalc'h evit pepini eur goas,
 Daou pe dri n'oa qet re, na memes davantach.

Pa ezont dirac ar roue,
 E leversont ar franc virione:
 Fidel omp, emeze, d'ho lezen,
 Accordit deomp-ta hor goulen.

Neuse souden voe grêt commandant
 D'ar merc'het diyalo hag ive d'ar re goant;

Da vont d'ar gær da zebri o c'hoan pe o zijubi,
Ma ne falle qet dê passeal gant peb a hini.

Merc'het yaouanq Costes an Nord
Zo qasi peurvuia eon pe dort,
Ha re'n departamanhou all, couls a re Finister,
Zo ordinal soupsonet da gavet boutou ber.

Potret yaouanq va bro, gout a ouzoc'h
Penos merchet Lanneur, Plougaznou, Plouezoc'h
Plêgat, Sant-Yan-ar-bis, Plouyan, Plourin, Garlan,
A renqo coust pe goust consqet gant pep a unan.

Hac an esac'h hag ar grag'es
O deus avertissamant ives
Pa viont squis da zisquisa,
Da sench ha da zispartia :
En Oriant, en Henbont hac e Pontivi
En deus chenchet meur a hini.

An dra-se evit esamant ar vro,
Setu aru mis Guengolo,
Erru foar an Troqerezou
Da vouel Maze par mene Brez
E troq an ezac'h hag ar grag'ez,
Nep a so squis gant e bar,
Laqit al licou en e fen, hac it ganti d'ar foar.

Tud jentil noblanç ha paysantet,
A greis va c'halon me ho ped,
Mar ben qer frajil d'oc'h offansi
Gant ur goms drouc-lavaret, m'o ped d'am excusi.
N'en douñ qet un den en dese studiet,
Hac a velfe a bell an traou a so cuset.

Bian ê va speret, bian va heritach,
Testamant va mam gos a vo va oll bartach,
Hounes a laras din dre gomsou excelant,
D'ar c'houls ma voa hi cos me a voa den yaouanq.

Va mab, na laqit qet, mar qeret,

Ho stil e peb léc'h da re garet :
 Dalc'h va mir g'enet da yalc'h ;
 Ar bleis ma ve demezet a zeufe don aoualc'h.

Benos Doue d'an diner
 A ra e hostis e pep qær,
 Gallec ha brezonec a oar,
 Hac ober e hostis e pep foar :
 An amzer a ra an hat,
 Hac an arc'hant a ra ar marc'hat.

Setu amàn Testamant va mam gôs,
 Pini a dleit lenn hac en deis hac en nos,
 A voa scifet pemzec de qent ma clãvas,
 Ha dictet tri dez goude ma varvas,
 Testamant caër, scifet gant ploas,
 A so bet alaouret gant daoulagat picous.

Composet gant Ustach Toraval,
 Hac e gonsort Jeromic Kikikokokaraval,
 E gamarat Yan ar Maout, goroer ar zaout,
 Hac e g'ender Yan ar Zaout, a so mal e gaout.

Nep a fel dezàn cavout an Testamant,
 A rebq eta donet promptamant
 Da Voutroulez da di LEDAN, Imprimer,
 A g'ever en e di pa ve chomet er qær.

F I N.

